

دولت عثمانیه - آوستریا ایتلافی

بوندن بش آی مقدم آوستریا و مجارستان حکومتی بوسنه و هرسک قطعہ سنی ضمیمہ ملکی قیلمسی اوزرینہ انکله آرہ مزده حاصل اولان اختلاف بو کرہ تسویہ ایدلدی. بکن افرنجی شباطک یکرمی آلتنجی کونی صدراعظم حسین حلمی پاشا و خارجیہ ناظری و کیلی غابریل نورادونکیان افندی ایله آوستریا سفیری مارکی ژان دو پاللاویچینی طرفلرندن حکومت متبوعہ لری نامنه استانبولده بر پروتقول امضا اولندی

شو سطرلری یازدیغمز آئساده پروتقول لاجل التصدیق مجلس مبعوثانہ تودیع ایدمک اوزرہ در. کرک مجلس مبعوثان کرک مجلس اعیان احوالی بالاطراف حسن تقدیر ایدرک شو مقالہ لہ تصدیقدن بشقہ چارہ تسویہ اولمادیغنی کورہ جکلرندن بوسنه و هرسک مسأله سنک انقلاب عثمانیدن اولکی و صکرہ کی اشکالندہ تاریخی یازمق زمانی حلول ایتمش در. بومسأله نک تقریباً یاریم عصردن برو صفحات مختلفہ سنی کوردکدن صوکرہ پروتقولک تدقیقہ ایتدار ایدہ جکر .

۱

قبل الانقلاب

۱۸۷۷ سنہ سی تموز بندن ۱۹۰۸ سنہ سی تشرین اولنہ قدر بوسنه و هرسک اداره سی ۱۸۷۸ سنہ سی تموزینک اون اوچنجی کونی برلینده عقد وامضا ایدلمش اولان معاهدہ معروفہ ایله تعیین اولندی . آنک یکرمی بشنجی مادہ سئندہ :

«بوسنه و هر سك اياالتلری آوستریا دولتی طرفندن عسکر اقامه سیله اداره اولنه جقدی»
 دنیلیمش ایدی. آتیده ویره جگمز ایضا حاکدن اکلایشیله جفی وجه ایله برلین
 عهدنامه سنک شو حکمی آوستریا لیلرک نیجه زماندن برو پرورده ایلدکاری امله
 صورت امکان ویردی. ۱۸۷۷ مصادماننده قان دوککسزین فائده مند اولان
 آوستریا ایلدی. بوسنه و هر سكه اغتشاشاتی تولید، تمديد و تشدید ایلان و یانه
 قاینه سی ایدی. دولتر بوقطعه ده اصلاحات اجرایی باب عالی یه اخطار ایدرلردی.
 آنجق عبدالعزیز دورینک علی الخصوص اواخرنده دولتک احوالی پک مذذب
 اولقله برابر حکومت عثمانیه بوسنه ده تقریر امن و آسایش اتمکک و بر اداره صالحه
 تأسیسه نه قدر حسن نیتله چالیشسه ینه موفق اولمیه جقدی، زیرا شورش
 و نساد آوستریا طرفندن کوروکلنیوردی. نهایت برلینده باب عالینک قدرتسزلیکی
 و بوسنه ولایتیله هر سك سنجاغلك آوستریا اداره سی آلتنه وضعی لزومی تصدیق
 قلندی و بو وجه ایله ۱۸۷۸ مقاسمه سنده آوستریا دخی بیوک برپای آلمش اولدی.
 یکریمی بشنچی ماده عهده «عسکر اقامه سیله اداره دن» بر صورت مطلقه ده
 بحث ایدر. بو اشغال و اداره دولت عثمانیه نك نقطه نظر نیجه موقت اوله جقدی.
 معاهده امضا آلتنه آلتنه دن اول مرخصلر من بو خصوصده او قدر اصرار ایلدیلر.
 اگر قید توقیت آوستریا جه تصدیق اولمیه جق اولورسه امضادن امتناع ایده جکلرینی
 قطعاً بیان ایتدیلر. بونک اوزرینه آوستریا مرخصلرندن بر بیاننامه آلتدی، که
 صورتی اخیراً «نایس» ک پارس مخبری طرفندن الده ایدیلرک نشر اولننجه یه قدر
 مخفی و مجهول قالمشیدی. ترجمه سی شورد:

«حکومت متبوعلری نامنه دولت علیه مرخصلری طرفندن اظهار اولنان
 ارزویه مبنی حشمتلو ایمراطور و قرال حضرتلرینک حکومتی نامنه آوستریا
 و مجارستان مرخصلری شوراسی بیان ایدرلرکک بو کون امضا اولنه جق معاهده
 نامه نك بوسنه و هر سكه متعلق ماده سنده موضوع بحث اولان اشغال سببیه
 ذات شوکتمات حضرت پادشاهینک ولایت مذکوره اوزرنده حقوق حکمرانیسی
 بر وجه ایله خللدار اولمیه جق، اشغاله موقت نظریله باقیله جق و قواغره نك

قیامیسی متعاقباً امر اشغالک تفرعائنه دأر بین الحکومتین اول امرده بر ایٹلاف یاسیله جق در .

برلین معاهده سنک در پیش ایلدیکی ایٹلاف « یکی بازار مقاوله سی » نامیله شهرت بولان ۹۶ نیدان ۱۸۷۹ تاریخی در سعادت مقاوله نامه سیله یاپلمش اولدی . مقدمه سی « بوسنه و هر سکه ده عسکر اقامه سی کیفیتی بوملمکتلر اوزرنده کی حقوق حکمرانی پادشاهی به اصلا خلل کتورم دیکندن » عباره سی حاوی اولان اشبو مقاوله آوستریا و مجارستان حکومتی بر جوق تعهدات ایله باغلادی . موجود مأمورلرک تبدیلی حالنده خلفلری علی طریق الترجیح عن اصل بوسنه و هر سکه لی اولانلردن انتخاب اولنه جق ، اسلاملر علمالریله مناسبانده تماماً سربست اوله جقلر ، آوستریا مأمورلری عرض و ناموسه و اخلاق و عاداته و سربستی آینه و اسلاملرک جائاً و ملاً امنیتنه برکونا خلل ابراث ایدلامسنه دقت و اعتنا ایلده جکلر ، نام پادشاهی کافی السابق خطبه لرده ذکر ایدیله جک عثمانلی سنجاغنک مناره لره چکلمسی عادت اولدینی تقدیرده بوکا رعایت قلنه جق ، مسکوکات عثمانیه بوسنه و هر سکه کاکان تداول ایلده جک .

اجمالاً شوقدر سویلیلم که دولت علیه نك حقوق عهدیه سی دأره سنده محل ولزوم کوردیکه واقع اولان مراجعاتی اصلا اسعاف اولنمازدی . « استشاره » نك ۲۴ ایلول تاریخی « اجمال داخلی » سنده حکایه اولندینی اوزره کمرک ، پساپورط ایشلرندن و سارندن چیقان مشکلات آنجق آوستریا لیلرک فکرینه موافقت سایه سنده برطرف ایدیله بیلیردی . نوابک انتخاب و تعیینی مسأله سی بر صورت ایٹلافیه به باغلانمه دی . وراثت و ترکه منلو امور شرعیه سور و کلنیر طوروردی . حقوق اوقاف شروط موضوعه سی دأره سنده محافظه اولنه مازدی مأمورین شرعیه محلنده نصب اولنور ، مفتی رسماً بیلنمز ، بورادن مراسله کیتمز ، تطبیق مهری کتیرتیله مز ، اعلامات شرعیه نك بوراجه طائنه مامسی مقابله بالملتی دعوت ایدرک حقوق تبعه سکتهدار اولوردی . بونلردن بشقه عهداً عثمانلی اولان بوسنه و هر سکه لیرا آوستریا اردولرینه قانیلیردی . بوسنه و هر سکه آوستریا اداره سنک

نه قدر ظالمانه اولدیغنی بی طرف مؤلفین عیسویه کتابلرله ، مقاله لرله تصویر
ایتدیلر . فقط اراق بوسنه وهرسک اتفاق مثک ارکانندن بردولت جسیمه نك
بخه تصرفه کیره شیدی . ویا نه قاینه سی بوسنه وهرسکی بر آوستریا ولایتی واهالی بی
صرف آوستریا تبعه سی حالته صوقق وشونلری دایما مقهور طوتمق نتیجه لرینه
هرهانی بولدن ایسترسه کالی سربتی ایله کیده بیلیردی .

یکی بازاره کلنجه ، برلین معاهده سنک ینه او ماده سی یعنی یکریمی بشنجی
بندی یکی بازار ایچون شوقرملری احتوا ایدیوردی : «آوستریا دولتی صربستان
ایله قره طاغ اره سنده جنوب شرقی استقامتجه متروویچه نك اونه طرفه قدر ممتد
اولان یکی بازار سنجاغنك اداره سی . درعه ده اتمک ارزوسنده بولندیقندن
اوراده اداره عثمانیه باقی قاله جقدر . مع مافیه اصول جدیده بولتیقیه ایله طرق
مخبراتمک سربستی وامینتی تأمین ایچون آوستریا دولتی یکی بازارک هر طرفه
عسکر بولدیرمق وعسکری ونجارت بوللری باقمق صلاحیتی محافظه ایدر .
آوستریا دولتی ایله حکومت سنیه ایشک تفرعانی ایلروده بالاتفاق قرارلشدیره جقدر .
« ایشک تفرعانی » بالاده ذکر اولنان استانبول مقاوله سی قرارلشدیردی .
اوستریا عسکرینک یکی بازارده بولنسی کیفیتی هر صنف عثمانی مأمورین ملکیه
و عدلیه و مالیه سنک اجرای مأموریتلرینه اصلا مانع اولمیب ینه اولکی کبی
منحصراً و بالذات باب عالینک اوامری تحتنده ایشلرینه دوام ایده جکری ؛
باب عالی یکی بازار سنجاغنده اوستریا عسکرینک اقامت ایلدیکی نقطه لرده کندی
عساکر منتظمه سی دخی اقامه اتمک ایسترسه بو بایده اصلا ایقاع موانع
اولنیه جنی و دولتین عسکری عددجه و مساعدات عسکریه جه و سربستی
حرکاتجه مساوات کامله تحتنده بولندیریله جنی و اوستریا دولتنک یکی بازار
سنجاغنده ایجاب احواله کوره مقدار کافی عسکر اقامه اتمک حقنده اولان
صلاحیتی اشبو تدبیر واسطه سیله قصرو تحدید ایدلامک لازم کله جکی بومقاوله یه
درج ایدلدی . مقاوله نك ذیلنده تصریح اولندیغنی اوزره اوستریالیلر اولبول
« بریبوی » و « بریه بولی » و « بیه لوبولی » نقطه لرینه عسکر سوقیله یکی

یازاره دخی مستولی اولدیلر و ارتق سلائیکه قدر اینمکی مرتبه اولاده و دها جدی بر صورتده دوشونمکه باشلا دیلر . ۱۸۸۱ تاریخده صربستان ایله عقد ایتدیکی شیوع بولان مقاوله خفیه - که مقاله مستقبله مزده موضوع بحث اوله جقدر - ایله آوستریالیلرک یکی یازارده و دها بریلرنده کی وضعیت و تحریکاتی ویانه قاینه سنک منویاتی اظهار ایدر . انقلاب عثمانی کندی موجودیت آوده سیی ادامه دن بشقه بر شیئی دوشونمیان و اوستریا حقارتی و قورقوسی التنده یشایان حکومت شخصی و مستبدینی بر حکومت ملیه و مشروطیه به تحویل ایلمش اولدیغندن اوستریانک قوردینی زمین تصورات بیقلدی ، لیکن اوستریا اداره جدید عثمانیه نك بوسنه و هر سکه ارتباطی حکومت سابقه نك ارتباطی کی اولماق خوفیه یکی یازاردن صیریلوب بوسنه و هر سکه طوبالاندی و بو قطعه یی مالکنه الحاق ایلدی .

(مابعدی وار)

ابن الضیا

حبسخانه‌لر

قباحتی اولان کسه لری اصلاح ایچون جمعیات مدینه چالیشیر . اسکی زمانلرده و بالخاصه رومالیر نزدنده جنایت ایشلین آدم حقنده بر حس انتقام بسلنیر ایدی . مجازانده حاصله اوله رق محکوم علیه تعذیب ایچون یاسیلیر ایدی . شمیدیلرده هر ایشده اعتدال کوزه دلدیکی جهتله حسب الانسانییه بو مسئله ده دخی بیوک بر اثر هنر کوسترلدی .

اوروپای غریبیده بولان و فتودالیته دورندن قالان بقایای اسلافده ، محوف زندانلر و شرقک باطنیه قومنیجه دوشنلمش اولان اسرارانکیز محبس لر اجداد مزک یدی قه لرده کشاد ایلدک لری قه لر ، بونلرک هدی دروننده یاتان حقلی یا حقمنز محبوسلرک چکدکلری عذاب ، چکدکلری محرومیتیه ایدی برر نشانه در . یدی قه نك کآن ضیا ، و هوایه منفذ اولان طار و اوافق یاریقلرندن هوالتان ، ضیادار اولان حجره یه باقنجه ، ایچنده وقت کچیرن ییللرجه قالان